

化州志

一函
四册

原
书
缺
页

原
书
缺
页

下邳蒲城華陰渭南金改金安軍節度屬京北路
元復爲華州後以鄭縣省入屬奉元路領華陰渭
南蒲城明仍爲華州隸西安府領華陰渭南

下邳地附

蒲城洛南成化十三年陞商縣爲州改洛南隸之
嘉靖三十九年改渭南隸西安府今州治止領華
陰蒲城二縣潼關亦華陰屬地乃驛遞領于華陰
云據華陰蒲城二縣之跡大略統于華州之沿革
猶謂稽述者不便仍依國史者作沿革之表俾百
世之下可攷而知也厥潼關在華陰封內雖別有
關志念地勢所統不可不表也在攻守者攷覽焉

沿革表

華州

華陰縣

蒲城縣

潼關

周

畿內地
棧林郎
咸林
鄭

華陰晉地

畿內地

畿內地曰
桃林之塞

秦

置內史領
關中

立鄭縣

更寧秦

重泉縣

春秋屬晉

漢置內史

景帝復置左

右內史武帝

改京兆尹與

左馮翊右扶

風為三輔

鄭縣屬京兆

尹

西

漢

東

漢

復置華州尋

罷

後更京兆宏
農二郡地

華陰縣屬
去農郡

重泉縣屬
左馮翊

高帝時隸華
陰武帝時立
關于新安其
後廢函谷守
潼關

新莽改謂

漢復重泉
縣屬馮翊

曹操破馬
超于潼關

新莽改曰華
下漢復華陰
縣屬宏農郡

三國

魏改尹為守

晉

置雍州理京兆宏農二郡地

華陰縣屬宏農郡

重泉縣

潼關

南北朝

後魏置華山郡又改東雍州西魏立華州

華陰縣屬華山郡

後魏省縣屬京兆尹于此置南泉縣魏為蒲城屬同州

後周破東魏軍因名為潼谷關

隋
初置雍州尋
改爲京兆郡

華陰縣屬
京兆郡

蒲城縣屬
馮翊

大業七年
于南北鎮

去舊潼關四
里餘

唐

自周秦漢晉西
魏後周隋唐並
都于此郡之地
寶應以前改名
三復華州乾寧
中陞爲興德府
領鄭華陰下邳
櫟陽四縣又爲
鎮國軍節度使
屬關內道

更仙掌縣
又折置潼
津縣復華
陰改太陰
又復華陰
屬華州

以橋陵改
奉先縣隸
京兆府陞
赤縣天祐
二年屬同
州

天授二年以
近黃河立爲
關本衛關也
黃河南流湍
激華山之陰
後因關西數
里有潼水因
以名關

五梁爲威化軍

代

後唐改鎮國軍

華陰縣

蒲城縣周屬京兆府

潼關

宋

天禧間爲鎮國軍以同州蒲城來屬皇祐改華州華陰郡領鄭下邽蒲城華陰渭南五縣

華陰縣屬華州蒲城縣隸華州鎮潼軍節度地

金

改金安軍
屬京北路

華陰縣屬
金安軍

蒲城縣隸華州

復潼關

元

復華州後以
鄭縣省入屬
奉先路領華
陰渭南蒲城
三縣

華陰縣屬華州

蒲城縣隸華州

潼關

李思齊張良
弼等據守其
地

明

華州隸西安
府領華陰渭
南蒲城洛南
四縣成化間
改洛南隸商
州嘉靖間改
渭南隸西安
府

華陰縣隸西
安府華州

蒲城縣隸西
安府華州

洪武七年設潼
關守禦千戶所
隸陝西都司九
年改潼關衛隸
河南都司永樂
六年改隸中軍
都督府潼關驛
遞運所屬華州
華陰縣

疆域述

粵華州疆域仰稽星野則據五里之用太白主于
雍華據七星之屬以北斗樞爲雍州據十二次與
二十八宿則明清類天文志華州分野雍州之域
兼有豫州應東井輿鬼之次是華洎屬邑華陰蒲
城當在鶉首之初初入東井之十二度也載聞鶉
首實沈以負西海其神主於華山又聞魏徙大梁
則西河合于東井秦拔宜陽而上黨入于輿鬼大
哉天道之可見者徵諸象其不可測者準諸數於
乎以聖人之道孚造化之機則可以論天人之貞

勝矣

華州疆域俯察分地則編戶五十里而以四鄉攝之州東曰將相鄉則攝將相柳子廣潤孟村義坊臨渭石村通渭六坊羅汶通化少華豐潤一十三里州北曰孝弟鄉則攝孝弟新庄侯坊大張小張遇仙平定寶義集賢唐村寶勝岳前崇安一十三里州西曰仁義鄉則攝興仁興義新興西溪徐村車獨故縣郭市太寧甘泉清寧西關一十二里州南曰豐原鄉則攝豐原高堂東西陽光脩漁村白泉太平呂勝聖山東能西能良侯一十二里後去

義坊豐潤崇安徐村高堂東西陽漁村聖山西能
九里今惟四十一里東西廣五十五里南北袤一
百三十里東至華陰縣界臺頭鎮四十里又東三
十里至華陰縣又東四十里至潼關又東由河南
路二千五百里至北京由山西路二千一百三十
里至北京其西至渭南縣界赤水鎮三十里又西
二十里至渭南縣又西一百四十里至西安府南
至洛南縣秦嶺界八十里又南一百一十里至洛
南縣又南二千一百里至應天府北至渭河一十
五里又三十五里至蒲城縣界又五十里至蒲城

縣州之東北路但達潼關其東南三百里達盧氏
縣西南一百八十里達藍田縣西北一百三十里
達富平縣夫關中形勝甲于天下以終南太乙之
墟爲長安都會蓋悠然山川之大觀地也其郡邑
之勝莫雄于華州一統志云華州前據華岳後臨
涇渭左控桃林之塞右阻藍田之關古人所謂百
二之勝天府之國也

華陰縣編戶凡三十四里今三十里縣境三十里
之治東西廣六十里南北袤二十五里東曰潼關
南曰洛南北曰朝邑志稱其形勝曰太華爲屏首

陽爲衛大河縈其東渭洛遶其北云

蒲城縣編戶凡六十七里今五十四里縣境五十
四里之治東西廣一百里南北袤九十里東曰同
州東南華陰西南高陵渭南西曰富平北曰白水
西北同官東北澄城志稱形勝曰左襟洛水右控
龍尾北枕堯山南臨大泊云

潼關周爲畿內地戰國屬秦立函谷關今潼關東
去百二十里皆爲函谷地漢以潼關隸華陰後漢
建安十六年曹操破馬超于潼關時關已改設不
復守函谷矣杜氏通典云潼關元名衝關言河自

龍門南流衝激華山而東也西魏隸華州後改屬
恒易或閔或號迨明洪武元年設守禦所隸陝西
都司九年改所爲衛隸河南都司永樂六年改隸
中軍都督府

張光孝曰潼關天險南據連山北限大河故宇內
之險惟潼關與山海關爲首稱說者謂秦得百二
山河之固又曰秦有潼關蜀有劔嶺皆國之門戶
又曰潼關南薄山北阻河中通一徑車不得方軌
馬不得成列一夫當關億萬之衆不可踰也若南
據秦峪開南之隘而襄鄧之門戶以塞北嚴渡口

之防而晉陽之隙道難乘是地非三秦之樞紐寰
宇之雄鎮哉乃務德以聚衆修人和控天險有望
于當事者爾

張光孝曰潼關以衛治之

屬直隸

而鎮以陝西按察

分司其潼關地在三省之交城墉之外蓋稱狹隘
東至閿鄉縣界二里西至華陰縣界二里南至洛
南縣界五十里北至蒲州界三里其驛曰潼關驛
所曰潼關遞軍所隸華陰縣

張光孝曰華州之疆域雖僻在一隅然位曰上游
爲函谷咽喉之地以奔走天下之師者關中安則

天下安矣失關中而能保天下者未之有也故關
中爲天下根本而華州九關中要地先哲建畫華
州攝五縣之地南控山谿之敵西負都會之雄北
鎮朔方之藩東守崤函之險所謂得人以任之萬
全以制敵者也故刺史弛兵儒臣襲故謂太平可
恃以久安不勤遠略而莫世歷歲以來尤易封守
不計通勢而以一方之便爲虞洛南議分于商州
渭南議隸于西安府遂使五縣制兵微意不恃于
盛世詰戎之時於乎此可以易言之哉卽以下邽言
之下邽地寬民庶自省入渭南則渭南文法之不

能制下邳之民稅役矣稅役之用尙不足以爲吾
制之而設有攻虜捕盜之須將安所心運臂而臂
運指耶今華州稱領華陰蒲城二縣則南不能制
山谿之寇而西不能應繁難之衝卽曰吏事窘滯
甚矣古人長治久安之計愈因之以湮晦愚不敏
四世荷受

國恩雖彈劔碌碌但不敢自後於常人時班荆聽野
老之談以需稽考聊以撰爲疆域之述將求正於
博大君子匪曰經制疆場有淵沉之養保障之思
而覲見乎疆場之臣也

一、

二、

三、

四、

五、

六、

七、

八、

九、

十、

華州志卷之二

賜進士第奉政大夫知華州事前山東按察司僉事陽城李可久裁正

左華山人張光孝撰次

地理志 山川攷

山川攷

華州以華山爲名

六書義華字作華

建州在少華山之麓

粵州之東南一十里爲

少華山東連太華山峯稍低故曰少華入關者自華岳過瞻巍聳未嘗不嘆其爲岳鎮之雄及西遵少華諸峯而覽也則神秀屏障之設又未嘗不愛

其爲勝絕之區昔唐昭宗幸華州歸長安封少華

山神爲佑順侯房鄴少華山佑順侯碑頌

鄴不頌山靈而

頌逆臣韓建功德故不錄頌辭

張衡西京賦云綴以二華謂太華

少華也少華在華山西少華山一帶峯巒東西竝

聯絡一山無異陘別甌也乃昔人猶各命山峯之

名今姑從之以傳曰少華山中峯卽名少華峯又

爲獨秀峯或曰玉女峯東爲小敷峪元祐中少華

小敷峪內山摧頗傷民社蓋入峪三里爲車轍崖

又二十里有玉女廟廟之東有金壺峽其神異古

今莫能採取之又十里爲蒼坪又十里曰千崖嶺

東有仙人洞洞乃張三丰與華陽真人等所居者
洞下有小泉足汲以爲數人之用東爲

寧山山下建浮屠以圖鎮山蓋宋時小敷峪內山
摧爲警也里居張叅政西溪公會有記嘉靖乙卯
冬地大震碑石裂碎寺故多聞人詩亦盡失矣又
東爲

獼虎峪南入十五里爲

蟠龍寺或云潛龍山兩山環列甲于諸山往郡守
桑澤山公溥甘孔山公爲霖眺遊咏歌揮洒盈于
寺壁山中峯有潛龍寺今風雨湮沒半不可讀至今土人

感二公惠政名其後山曰甘公右峯曰桑公臺云

迤北近峪口之峯古云阜頭峯

宋神宗封阜頭峯神爲顯應侯

天

禧五年崩裂有石子坡

今日石灘

東西五里南北十里

史稱民居六社壓伏無存鄰山之民言數年峯上

有雲氣遇風雨卽隱隱有聲是夜初昏略無風雨

山上忽霧起有聲漸大地遂震山裂其下水出其

深無際名曰移山潭其崩山遺址名半截山又曰

復成山張光孝遊復成山有賦

爲之叩石而歌曰山寂寂兮席茵興

悠悠兮酣春思勃勃兮自檢欲逐逐兮焉徇履茫茫兮蔽耳與目責浩浩兮慎子與臣

其潭

水又滙爲數區今日蓮花池金進士張建有賦石

子坡序詞自石子坡仰視復成山址若未崩之狀
其間靈灑鍾異草木奮興又石阜上有孫碧雲道
庵庵下山谿中有巨石大窩世傳孫碧雲受張三
丰仙人道術馭鶴引風明太祖御賜衲衣膳果成
祖召爲右正一提點武當山二勅又有御製詩賜
虛元子孫碧雲有詞又代遣使召召問賜號虛元
子以歸有叅政張西溪公復成山碧雲庵記東爲
白崖峪峪路亦通蟠龍山寺寺左白崖峪盡處有
處士王朝縉山居張光孝詩又東爲

構峪南二十里至乾喜鋪又二十里至構嶺又二

十五里曰下陽川民聚數百家立爐燒銀銅錫砂
石自下陽川又南一十五里至

秦嶺憲使虎谷王公有秦嶺賦云

我登秦嶺之巔
撫清風之冷然

雲飄飄以翼予兮塞長松而繫馬覽千里於咫尺
兮萬山纍纍而在下野老導予以前路兮曰此韓
子之遺蹤望翠巘之片石兮得夫子之幽宮世皆
輿偃俛而婢响喻兮子有丈夫氣安得不窮直諫
自古不容於朝兮又何問家於湘之童蒙歷炎海
之瘴厲兮奄歲月其既老胡生還而益壯兮塞胷
中之浩浩蹇悃諒之蹈嵌巖兮何不改路以嚆唳
屈原葬於魚腹兮今之智者笑之吾將剪彩霞以
爲裳兮結長虹而爲綬榼洞庭以爲醬兮種千頃
之蘭蕙以爲糗愁猿吟兮石泉鳴九頓首兮公之
堂鬱予懷之極悲兮予亦不知其何

郡人祭酒

槐野王公維禎度秦嶺詩

未晚登崇巘已窺海日
明雲從車下起人在斗

邊行天險分秦塞神謀度漢土人云秦嶺左右峪中多錫砂又兵却思千載事感慨不勝情南四十里至白樺嶺卽土人名金堆城者其地礦穴百出銀砂稱盛或淘取黃金之砂金堆城西南則青岡坪出銅砂又其南則通道于商洛襄鄧之墟自構峪口東爲

鳳谷山山接秦嶺南來之脉突立一峯左右兩山舒翼然其山栢樹蓊鬱遠眦于數十里之外山故有寺寺有石泉養魚嘉靖乙卯地震水泉涸廢郡侯安成伍公箕遊鳳谷山寺曾有卽事詩又有觀竹泉詩東爲

三甲山又東爲

方山接華陰境矣

自少華峯之西曰

白石峪又西爲

潭峪卽白龍潭也又西爲

水峪峪之麓有甘露寺唐進士都官郎中鄭遊甘

露寺有詩西爲

鄭南峯

以後周所移鄭縣名

又西爲

太平峪有五眼泉一名海眼泉引細流入于華州

城內花果蔬木之需華州官署四宅之圃咸冬夏

用之而不更注城外卽有餘入于泮池前守瑞源

陳侯曰此水細入州中而不泄于城外乃翕聚之

靈氣也厥奇論哉泉之側稱洞巖土人塑仙人韓子像數禱雨有驗又西爲

飛來峯又西爲

小山又西爲

五龍山山巖有風穴風來能殺穀稼土人祀壓之又建元帝廟泊風伯雨師祠以鎮郡人光孝張公曾有頌詞又西爲

石堤峪峪水流至良侯村之北名五港河合赤堤峪水入沙澗石橋鋪河以達于渭其來甚遠南入峪裏曰五里泉文豹石又五里曰東岐溝又五里

曰楊家龕又五里曰灰池又六里爲千崖二岔又
二里爲東石門西石門又五里爲棗天石又十里
曰董家坪瓦房底秦嶺底度秦嶺十里曰吳宮饒
材木凡華之民多就取之又五里曰黑龍潭峽又
五里合青岡坪坪之東南十五里抵金堆城自青
岡坪正南十里爲羽坪又十里爲五勝溝接洛南
境自石堤峪峪之西爲

栲栳山又西爲

赤堤峪入峪卽有葫蘆潭峪之南二十五里餘至

秦嶺嶺南曰桃坪

雍人曰自此山勢西南行數百里之外又列終南屏障以應曲

江之匯而爲自赤堤峪之西南爲
長安大都云

小師原又南爲短嶺卽有溝水以達遇仙橋水自
小師原迤西稱柳村原其下之最北曰瓜坡滎以
眾泉古瓜田之地也自瓜坡而西南升原曰平原
又升之南曰奈莊又南之山曰金堆峪金堆峪以
達秦嶺之金堆城者瓜坡之下西北曰車獨村麓
間有寺松栢蓊鬱眺遊者欣賞焉自車獨村而降
也爲漁村川沿川之徑陟東麓曰上清宮宮在山
之內上有林阜稱勝臨一泉在宮之側甘可給數
百人之用乃宮中道士聚百人云上清宮之南有

古元真觀其東南之原稱張海北村而上清宮之
南沿川者又有雲溪宮南爲興國寺又南爲王聖
村王聖村墅之陽有郡舉人郝鐸舊居鐸成化初
預修郡志者才子也厥靈勝之區生才而不獲大
耀抑亦氣數有不可測者耶其西南稍稍見秦嶺
一脉而左稱三岔坪右稱挿劍石下曰喬峪喬峪
水卽下帶諸漫水流爲漁村川而入于遇仙橋者
也喬峪之麓有白龍泉黑龍泉又下曰千頃漫又
下迤北有原稱龍王嘴西爲駱駝渠粵龍王嘴之
次曰秦麓村村間有白泉在龍王廟中今泉水噴

玉濺珠勢若龍湧且澄清見底人樂眺遊云又北
曰大明寺亦原之勝地也其原之下曰會東方村
漢中大夫東方朔墓在其地會東方村之西曰赤
水鎮赤水遵川而南曰聖山川又西南曰新興頭
又南迤東曰高堂嶺有高堂村村之下有朱張村
又有靈湫湫有龍王廟高堂村之上有高堂寺又
上以南曰柿村又南之山曰李峪峪口曰蘊空寺
寺峪之西曰澗峪峪南有向陽宮飲馬槽亦華之
形勝也澗峪之北曰豐山寺又北爲明初孫主政
別墅又北爲江村原原有川水秀若江南蜀之李

貳侯某曰華州西南原諸勝地當以江村爲第一
蓋愛其爲佳山水也江村之北曰大王村其次有
邱有岳廟澗峪之西曰牛耳峪其下爲邊家村郭
家村其次稱禮似村村有唐寺焉牛耳峪之西曰
龍耳山西爲箭峪蓋竹木繁植之區其下迤北有
邱有禪修寺有蘭若寺有泉是謂華州原地在在
皆有民居凡余寺觀之紀皆因村落民廬而及也
箭峪之西爲獨孤之坡則渭南縣界矣

張光孝曰聖山川漁村川郡所謂通原之道兩川
勝地也第漁村川不通峪口而聖山川直通川外

刊木以需民官室器用以需鄰邑之樵蘓者也又

其川多稻稔之畦富貴家苑囿之盛古今爲然郡

人東公漢

九江太守

有聖山野亭八詠詩其一釣渚清

溪其二村田白鷺其三萬壑風煙其四池澹春草
其五新篁交翠其六喬木垂陰其七清波魚戲其
八紫岩鷲嘯張光孝曰赤水鎮在華州西三十里
渭南之界西曰

赤水河舊志載赤水上原有周處之居處嘗斬蛟
以赤此水緣南有倒獸山紀處射殺白額虎土人
因建廟峪口祀之又胡村有周處祠尹村有崇靈

觀元大夫王文博撰觀中之碑述處爲晉將之賢
晉元康中氐人齊萬年反處征之卒于戰秦人思
而立祠不言射獸斬蛟之事蓋疑似之事莫可遐
考矣東爲

遇仙橋水出自喬峪北入于渭橋之南曰

利俗渠唐地里志開元四年詔引喬峪水爲利俗
渠支分溉田又東爲

三峽店岡阜林樾勝地也阜北一帶平曠尤稱沃
野又東爲

石橋鋪河水自石堤峪出北入于渭自橋南眺山

峯疊翠一壑芳蕤更夾岸高柳蔭榮過者恒駐馬
賦詩以嘆勝絕又東以南廻溪抱于西崖茂林森
于溪外曰

劉氏山家劉氏自江南來寓此定居業郭景純相
地之徠其族多奇男子應招于四方近世漸業儒
術衣冠相望識者歸之于地靈云又南以西有

竭井西以北有八角井東又有徐晃馬跑泉又有

良侯寺東之白泉

此泉小于南
原之白泉

東爲

西溪水水受諸峪而成泓漾溪初分流灌田至故
縣沙澗諸村則萬壑風煙眺遊勝絕之所也古今

人慕杜司功子美之風遂名之爲小曲江云考唐
書昭宗光化元年六月己亥帝在華州幸西溪觀
競渡天復元年十一月朔汴軍陷同州華州節度
使韓建遣判官李巨川送款甲寅汴軍駐靈口乙
卯朱全忠知帝出鳳翔乃廻兵攻華州大軍駐赤
水全忠以親兵駐西溪遂襲取韓建余以西溪之
水地氣漸下今止于一溪之細流耳非古之溪水
可以競渡可以駐大軍也宋李及之遊西溪有詩

曰漾漾一溪春清華隔路塵涵雲紅渡眼蘸岳碧
驚神鳧冷蒲光亂蝶昏花氣淳多來忘歸鳥無
過不遊人日月隨流水笙歌憶會賓昔行風煦物
今到露清晨弱荇遊艇微煙生釣綸當年共醉

客此日獨吟身斜照下朱閣向城先大夫東谷公

挾紫鱗解鞍亭舍近預喜夕盤珍
宋子曰張翁諱歸田于此溪之墅更號西溪結西

潛山東左叅政
溪草堂狀元呂公柎有西溪草堂記又有呂公題

西溪草堂詩
仲春十月到西溪水繞山環鳥亂啼

當年杜子遊無厭此日張卿興豈睽我亦有懷頻

入夢不知何日手相攜又少華峯陰一草堂醉眠

仙客日如長稻墜水曲回鷗鷺竹屋雲深落鳳凰

東谷爲人避世早西溪隱處看山詳獨慚白首猶

塵土欲效樊
狀元康公海亦有題西溪草堂詩
西

羈學爾狂
草堂春水深西溪主人溪上吟割雞把酒勸客飲
少小幾時衰老侵朱顏白日休自負請君試看芳
春林我聞此語倍感激世上幾人如是心明朝何
不出美酒更與東眺華山岑又西溪風月美無邊
羸得優遊便是仙但使杯中
又有東谷公題西溪
餘濁酒何須方外覓長年

別業詞

芒鞋竹杖小烏巾萬壑風煙老逐臣百口初尋耕織地羣鷗莫怪往來頻危亭帶日

分岡尾古樹連雲占水濱徙倚溪邊隨意坐萬蟬聲裏晚涼新

北二里許土人稱

杜基蓋杜子美遊春亭舊基址也遊春亭不知作

于何代以子美詩顯于唐誦于今爾子美謫華州

司功題鄭縣遊春亭云

鄭縣亭子澗之濱戶牖憑高發興新雲斷岳連臨大

路天晴宮柳暗長春巢邊野雀羣欺燕花底山郡蜂遠趁人更欲題詩滿青竹晚來幽獨恐傷神

人祭酒王公維楨題西溪遊春亭曰

曲水圍青帶回岡抱翠屏

冠裳仍廢榭鷗鷺自寒汀霞覆千年樹風翻十月萍少陵何處問徒倚白雲亭又暮倚溪山曲悠然見晚屏水風醒酒面野火辨魚汀坐下忘機鳥行吟浪跡萍良遊天亦許明月故亭亭又溪光寒浸千峯影霞氣香蒸五色文上客有懷惟對酒孤亭無主但流雲沙鷗野鷺看還下水管風簫聽正紛紛

不用登臨深慷慨
勝遊天地幾回羣自遊春亭西南三里爲

鄭縣址此鄭縣乃秦所立者按清類天交志紀隋
開皇三年移治于故鄭城四年又移于廢華州城
唐武德四年又自州城徙于州東一里興元元年
仍移鄭縣于城西三里五代宋金元咸爲倚郭邑
今併入華州明一統志鄭縣在華州城北後周移
于西南九里今縣址俯溪澗稱王氏村云又東爲

磨渠土人行水磨于沿溪下曰

神臺宮本
隋普德宮

北爲

雞灣林邱蓊鬱昔九江太守東公漢作後樂園與
第監察御史東公郊日遊眺其中四方宦官遊者

亦眺賞其勝常有詩歌彙爲後樂園集數卷又北
爲

姬氏雙渠塢多菊牡丹亦稱數百本之奇又東爲
南溪水與州城相直水自太平峪五眼泉引入城
內者溪上有古芙蓉園址今有李氏萬春園渭南
主事劉公鳳池留飲李氏新柿園其上爲東體信靜

遠亭叅政張谷公詩云郭外茅堂路不遙偶然相

語先向鄰家看藥苗籬下叢叢花影透坐中色又
色鳥聲嬌知君習靜休嫌客乘興還來醉一瓢

上爲東氏同樂園東子棐耽著述作亭于中東子
舉明經字孤賙族稽古好文天下士大夫尋幽履

勝與之遊眺稱勝絕處也先後題詠有詩集數卷
又東爲城南東寨西寨又東爲

白龍渠渠畔有

孝感泉在華山之北溝畔水極清宋子曰郡舉人
張公之渠有孝行孝感泉彙有贈言載在張孝子
旌孝錄中又東爲

東溪水水自小敷峪來又有泉與此溪流支分漑
田居民之村稱曰水庄客有好林薄者憇之嘆之
以爲宛若小瀛洲也水濱有數家党氏村風景殊
常稻荷稱美云水庄之北爲羅汶橋南村居千家

民以山楮搗作小山紙給用然地隘民貧日日爲
人傭役焉又東爲

下石灘乃石坡之下灘也秔稻夾於通衢怪石突
兀行者駐車古今有五里香之頌又東爲

騫家窰孫家村村北委蛇而下稱伏氣崗

土人曰
龍崗

崗北曰張家村村北爲柳子岐千頃水東爲

柳子鎮民聚數千家饒於都城之民不好耕讀專

事鍛冶爲刀劍聞於四方郡史頻斂劍送客遂逼

鍛冶者客遊四方遺女丁以支門戶女丁日貧哭

聲接夜謠曰安得桑楊使我有卽桑楊者指郡侯

桑公溥楊公綵也又東爲
臺頭則華陰界矣其下稱

蓬村在渭水之浦沃野左聯新店一望坡田居民
多富然渭卒然漲溢又稱不種矣東以北渭水自
州南麓視之環流如帶亦稱捍流天塹古謂關中

陸海沃野千里又東云渭川千畝竹者蓋以渭浦
之勝言也唐刑部尙書白居易有遊渭浦賦又有

韋嗣立和被襖渭濱詩

乘春被襖逐風光扈蹕陪
鑿渭渚傷還知當時水濱老

衰年八十
待文王自渭水而西有

萬里沙又西曰

鄭址乃桓公友爲司徒之采地西南有

沈陽廢縣址前在渭水北華陰地漢安府移於此

尋廢西曰周寧村有裴晉公祠

祀裴度也

西爲

廣通倉址隋文帝以長安倉廩尙虛詔以西至蒲
陝東至衛汴水次十三州募丁運米于華州置廣
通倉以給長安又西爲

武城址魏文侯三十八年伐秦敗我武下得其將

識

識將名武下魏地名

括地志云故武城一名武之平城在

華州縣東十三里又西爲

郭合公故里遠裔尙多其故宅有遺井土人稱爲

汾陽王井余攷長安志載郭宅在唐京權監院次
南親仁坊曰尙父汾陽郡王郭子儀宅又西爲

羅汶橋水因勢濬渠堰東西各流西邊按日分水

溉田北下入渭當雨澇時爲害甚大然水道苦於

釀沙水涸時郡守遣官築堤去沙比比稱難治之

余以爲治水之不得其人也

土人曰此水下流不開大渠則阻塞而不

達于渭况上流之人每盜決河防是以治此水者
源深其渠俾上下之流通斯無盜決之患矣其要
在治下流之渠非有良牧任
人則此水何時稱治也耶西爲

天鵝池水亘東西二三十里雨澇受水漲溢爲患

南曰太平渠水下流有沙河之水郡守桑公溥相

勢爲渠以土官宜民有材力命泄之于渭迄今池

地可耕民甚德之狀元呂公栴有疏水記隆慶壬

申秋重脩天鵝水渠都憲仁和張公翰碑記云華

東北地勢稍下南曰五龍白崖等峪之水皆歸焉

故其地皆溺而水處古名天鵝池南村曰庄頭曰

丁家曰大東曰小東曰楊家曰種家曰羅家曰時

家北村曰周寧曰吳家曰平定坊曰大張社曰下

廟曰杜村曰北宋曰中宋曰南宋曰郭家東爲羅

汶橋村曰留里西村曰李家曰南唐曰北唐曰姚

村周迴三十餘里地千頃有奇先年池水由羅汶

橋入渭後橋下淤積漸高水漫漶爲害嘉靖丙戌

居民張進忠等以疾苦聞於朝事下陝西撫院委

官勸議從平定坊車家村計地給直別開水渠徑

達於渭至甲午夏澇水溢乙卯又地震變遷渠遂

平車村民車烈輦據爲私路隆慶改元災民邢萬

奇等仍以疾苦控詆撫院維時知州王汝梅方議

濬尋轉官去延今六年余閱故牘訪民情移文潼

關蔡兵憲可教選委興乎王斌謨王由籥泰左官
能悉心力專主其事量支帑金若干緡役旁渠之
民干餘分委州同知張濟世暨聽選官杜守業義
民馬賢等旦暮視省守巡周憲副國卿李少叅江
各以分屬贊襄其間庶民子來不疾而速河渠旣
通建石閘一石橋二木橋亦二閘東廟一逼祀龍
神以祈奠安渠長凡十餘里闊一丈深淺因地形
高下不等閘高一丈一尺闊八尺橋高闊俱八尺
石者便行人木上墊土可通車輿又費帑金若干
緡始于初春三越月工旣竣士民恐久而復廢請
記諸石余觀古昔聖王教民稼穡先平水土水不
治則泛溢無歸廬舍且不能安居何望菑畲耕獲
夫子極稱大禹爲其盡力溝洫豈以神禹經畫萬
國顧謂事無大于是乎天之立君君之命官凡以
爲民民生飲食爲天體天之心行君之令信莫大
乎開粒食之利吾儕不敢視爲渺小而加之意如
此繼自今民苟專利妨欲如前守斯土者忽而不
加之意亦如前是以聖神爲不足法官旣不舉其
職民不有成其天皆天之乘人也宜共覽于斯文
巡撫陝西地方兵部左侍郎兼都察院右僉都御

史仁和張翰華州知州陽城李可久立石土人曰茲渠易爲河壅當頻

年治之以續前績西爲

興德宮在州北五里唐昭宗爲朱全忠請遷都洛陽館于是官州民夾道呼萬歲上泣曰勿呼萬歲朕不復爲汝主矣因謂侍臣曰鄙語云紇于山頭凍殺雀何不飛去生處樂朕今漂泊不知竟落何所因泣下沾襟左右莫能仰視二月發華州至陝以東都宮闕未成留止全忠來朝上延入寢室見何太后太后曰自今大家夫婦委身全忠矣攷史昭宗內爲閹官所制外爲藩鎮所逼其後朱全忠

遷于洛陽殺之史臣論昭宗之初在華州唐室日趨于亡當求賢如不及聽言如在已社稷宗廟未可冀也而斥逐言責之臣杜絕諫諍之路是自蔽耳目長姦諛也終于顛墜厥緒誠不知君道哉考史僖昭之時惟李克用最爲有功雖嘗跋扈而終不失臣節王室可倚以藩扞使太原之勢常重則諸鎮未敢窺唐也以克用爲戎狄之人疑而不信外而不親有震上之勢而無朝廷之助是以不競于汴而全忠獨彊吞噬諸鎮卒滅唐室自古忠者不見信而所信者不忠豈有不亡者乎張光孝又

華州志卷之三
三
曰李克用進諫太厲而不約方鎮之兵入援抑各有覬覦之私而不遂乎抑阻于勢之難乘而不敢動乎千載之下不能無憾于勤王之兵也官之南爲泥河蓋州之

北溪水也水自太平渠來以達于渭北溪左右皆菜地其地又稱沃土其直甲于境內之田土民亦有植葦于溪之傍者郡守江夏吳公曰華州四野四溪北溪雖無常流以太平渠夏多涸夏雨則有水然堤桑岸柳畦丁蔬傭之接于眺望亦可以資吟嘯之興焉西

以北爲

唐村正德末年獲麟長安張太微先生厥感異之
麟歌序曰華州牛生麟圓額赤吻青鱗牛尾牛蹄
赤目踴躍而鳴聲若霹靂光耀滿室主人以爲怪
擊死余聞之哀焉因作麟歌以志之歌曰猗嗟麟
生兮太華阿生不遇時以死兮奈麟何蒼谷王公
尙綱

陝西右
叅政

亦有序論大抵論述桑侯異政能召

和氣生麟爾時桑侯又數斃南山之虎厥有牧民
之才力哉唐村地瘠民貧民率習爲竹噐之藝已
數百家又西爲侯方地稱沙浦有桃李嘉種西爲
紙坊民數家封楮爲小紙需養又西抵西安衛屯

馬蓮寨接渭南之東境矣

張光孝曰予嘗自南山觀郡之形勢甚狹隘焉南麓一帶雖多林薄然石田率不堪耕治時雨稱足頗有所獲加之雨澇受衝或少有天旱斯濯濯不毛矣浦曰雖稱沃饒然川溢歲至沒田蓋禾稼稱艱未卽之以爲民所定業也

華州城內有隆阜建州者截阜百丈爲南城卽阜首以建州治之官署舊志載此地爲棲雲樓故址棲雲樓者唐昭宗幸華之行宮也今左右臺址尙存又云古昭慶院有棲雲樓假以駐昭宗之蹕也

後因以建州治云楊鐵崖有題棲雲樓詞序詞曰
棲雲樓渭水一條流獨飛燕子春來秋去春復秋
碧雲四合凍生雀愁殺紇千頭

李克用指韓建爲天下痴物碧雲四

合寓意
克用

學官亦因東城高阜右有柳巷街街側有

甘泉

今甘泉東西百
里許掘之皆泉

深四五尺甘冽殊常古今無

盈歉之時亦地氣之良源也然位在儒學乾方因
之以培斯文之用殆以爲淵淵不測之祥乎

東關外曰

太平渠橋水暴雨水至衝壓卽害近郊之田其渠

多沙數脩治之數爲民患

此橋在古唐城之內城大雲橋此或其跡也

之西關外曰

小石橋水受石堤峪及諸泉水一遇暴雨水溢漫

散北郊之田亦恒患恒治之蓋所謂沙堤不深導

引不善未之能奠民田廬也近郡守太谷朱侯治

之徵光孝記事立碑云

夾華州東西郭門外二河在東郭門外者曰大白峪

河在西北郭門外者曰石堤峪河二河水因山雨不時泛溢善沒民田蓋二河之道每夏旱而無水民乃薄於阡陌之行遂數敞于浦矣卒然水至無以受之達渭民甚患焉嘉靖戊午以來患尤稱劇惟時郡侯太谷朱公嘆曰二河水沒民田爲郡之災于大發民窳使治其道導之委曲以入渭水民稱便焉遂勒石記朱公之績乃士人徵余記朱公之意也余聞此二河之水自州郭北至唐村地始

同遊延而東北至六坊里地方達于羅汝水入渭
云初居民之治二河也不知計不任力日奏罔功
頃因朱侯之役使先後號得上計修復奏功又役
使者皆瀕河之民所謂以逸道使民者也其功用
豈偶然哉總役使之民曰東開小東關顏家村楊
家村姚村田村宋村中宋村下廟西甘村羅家村
南唐村北唐村法故志載地里八景郡侯伍性訓
得併書以告來哲

導鈕瑩中咸有詩其一曰南寺曉鐘

五漏籌殘夜
色平荒王宮

闕吼長鯨九天星斗雲間沒萬里人烟夢裡醒百
八風前分緩急三千界內識陰晴豈徒問郡多清
韻終間虞其二曰西溪夜月簾澈晴空月色低蟾
韶舞鳳聲其三曰西溪夜月光流影映西溪波涵
玉魄天香寂魚性金鉤醉眼迷采石無人清弄影
杜陵有客漫留題遊觀日夕歸途晚猶有餘暉投
馬其三曰石橋官柳郡城十里駕長虹官道依稀
蹄其三日石橋官柳古木叢萬縷柔條臨綠水幾
行青眼媚春風時聞深處鶯聲滑日有陰處
驥足雄莫唱渭城朝雨色秦山蜀道月玲瓏其四

曰黷官古柏

數仞宮牆一徑深兩行青翠栢森森
月明午夜疑龍化風動虬枝訝鳳吟

霜雪不能動勁節衣冠偏許藉清陰

棟梁榱桷須珍重終見掄才到上林

其五曰泮壁

甘泉

泮宮東畔郡城幽一隙甘泉邁衆流
色比蜂脾還不異味參蟻醴足同儔
須知源派流來

遠人信桑麻賴有秋溪澗豈

能畱得住終隨清渭到瀛洲

其六曰移山靈湫
少華

山隈亂石灘白雲綠水淨漫漫
風吹萬疊波濤湧夜浸一天星
斗寒鷗鷺亡機畱舊約魚龍得意起

長蟠威靈屢應官民

其七曰少華晴嵐

日色纔臨

禱化作霖洒大寰
其七曰少華晴嵐
泰華東嵐

光如畫藹溶溶輕疑遠嶂濃還淡
倏忽凌崖翠且重渾似蚩尤軍
涿鹿恍疑神女醉巫峯非烟更覺

還非霧幻盡其八曰渭川晚渡

華郡堂堂枕渭流

一天造化蹤其八曰渭川晚渡
夕陽日日往來稠
一篙清淺斜暉影兩岸喧騰佇待舟
蘆荻風高蓬

未下海棠月上纜初收綠蓑生意惟蘭
封萬陳侯應麟添五泉細流天池靈瀨爲華州十

景咸有詩南寺曉鐘

山郡稀民訟漸無卧石名

溪夜月

杜子遊春處南崗松鶴奇石橋官柳路多柳

蔭行人歌秦熙誰能

豐宮古柏

柏樾深如許宮墻高逼雲誰知播風

教森爽泮壁甘泉

數尺甘泉水近在宮墻西移山

見斯文

泮壁甘泉飽沃憐多士不爲世味迷

少華晴嵐

少華晴嵐如靛山

靈湫湫水深千尺蛟龍稱躍

渭川晚渡

渡喧訝日暮浩浩憫

峯宛如花齋中頻

渭川晚渡

清流誰氏抱奇者同

書靜思欲弄朝霞

渭川晚渡

清流誰氏抱奇者同

浮郭五泉細流

誰將一線水引入郡城中天池靈

李舟土阜爲山郡古云應水靈

宋徐積題華州崔氏

灝人龍養頭角頌爾小滄溟

宋徐積題華州崔氏

園清虛臺詩

名園自郊谷何况築高臺醅醴未嘗

池隈誰更將松

到清風長自來雲嵐瞰山筍煙水近

竹蕭條四面栽

山川文

華州志卷之二

華州志卷之三

賜進士第奉政大夫知華州事前山東按察司僉事陽城李可久裁正

左華山人張光孝撰次

地里志

山川攷
陵墓攷

附華陰縣

山川

華山白虎通云西方華山少陰用事萬物生華故

名曰華山

岳頂中曰

蓮華峯
太上山
明星玉女洞
仙女洗頭盆
石馬
玉龜躡

鎮岳官
玉井蓮

岳頂東峯曰

仙人掌
石月

岳頂西峯曰

巨靈足

岳頂南峯曰

落雁峯
仰天池
黑龍潭
全真峽

五粒松

岳北中

腹曰

瀑布 石仙人洞

水簾洞

岳頂東南曰

太上君洞

丹爐 碁石

菅蒲池

白鹿龕

近岳西北峯曰

毛女峯

太極總

焦公岩

三公石室碁

近岳東北峯曰

雲臺

壺公石室

仙洞

肥遺穴

近岳東北峯曰

雲臺

洞元石室

筭塲蘆花池

近岳東北峯曰

雲臺

試鑿穴

岳中名峯曰

上方

西元門 西元洞

長春石室

岳中名峯曰

上方

西元門 西元洞

極真洞天

故志載近岳峯曰

灝天峯

松檜峯 玉秀峯 岳

駕鶴峯

故志載近岳峯曰

灝天峯

松檜峯 玉秀峯 岳

迤東曰

王刁三洞 文仙客

又東曰

碧雲洞 黃神谷

碧雲溪 牛心谷

岳迤

西曰

仙谷 車箱潭 修羊公石榻

又西南曰

桃谷 薨谷

羅敷山 大敷谷

竹谷

又西南曰

華陽藪

唐元宗有遊西岳廟碑

唐杜甫有望岳詩

唐

崔顥有望岳詩

宋寇萊公有吟華山詩曰

惟在天在

上更無山與齊舉頭
紅日近回首白雲低
陳希夷歸華山詩曰
十年跡踏紅

塵爲憶青山入夢頻
紫陌縱榮弗及睡
朱門雖貴不如貧
愁聞劍戟扶危主
閭聽笙歌聒醉人
攜取

舊書歸舊隱野
明狀元康公海望希夷峽
明山佳
花啼鳥一般春

峨眉望裏風烟暗
薜蘿萬疊春開綠
錦障一涼晴下
白雲窩空將尸解
傳萍昧自覺天工
厥琢磨夫子

若無驢背笑陳
李夢陽華山峪曰雲臺觀
雲臺觀
橋誰知大風歌

湄翠削三峯對不移
廕裏山色時隱見
晚來雲氣
壁淋漓醮辰絳節
朝羣帝一路金童
引鳳螭頭白

掃門憐弟子斷
宋學士歐陽脩跋華岳題名有記
松石凝白苔滋

張光孝曰嘉靖乙卯冬關中地大震
衡岳石刻又

且逸失過半歐陽學士跋語歎往
蓋稱達人之見

云

蝸山龍文山蒲谷麻谷

皆華陰山在潼關境

渭水

黃河

在縣

西北隅

茲志者皆名山水山有縣志及華岳集又有

王處一華山志其古蹟遺事可考而知矣

附

蒲城縣

山川

金粟山白堂山

俱在縣東北三十里

不羣山一名孤山邑人原道過不羣山

曾有詩焉

金幟山

縣之東北二十里

堯山一名浮山山有靈隱夫人祠祠東有姓鑑泉

西有龍泉脩祠記謂此水清冷不竭時或愆陽卽

其水雩祭則雨明太子文學邑人趙晉登堯山

曾有

詩

仙蛻岩

縣北

水屐埕

縣東南
五十里

漫浴池縣西一十五里一名漫泉南灌賈曲葦田
東鹵池西鹵池白鹵泄渠俱生鹽花民有禁不敢
取鹽花利

溫湯在縣東六十里源出沮水東岸石眼中西流
里許入于沮水四時溫煖可浴近有山曰太湖平
地突起周五六里高十餘仞左右危石古木流泉
魚稻蓋境內所僅見云

張光孝曰蒲城地廣漠肥饒北山一帶且有良田
合邑中村墅之勝在在稱萬石民家華州華陰皆
所不及蓋關中之樂土云

陵墓攷

張光孝曰華州山川形勝凡山原在在占之封邱
歷周秦漢唐帝王之久乃侯王將相數數化生封
邱非有載記然竟何所取考而知耶今擬當載者
以通志爲主而郡志者益賾甚略焉其亦可慨于
疑塚也矣古之不封不樹其謂千萬年後名與功
之湮沉哉

鄭桓公墓州西關路南

漢東方朔墓州西南二十里

唐郭駙馬墓州西南山之嶺

徐溫墓州西十五里

東氏墓州西南隅原上曰後先十餘公皆縉紳有
勲名之士

郭太守墓諱瑾州郊之西南

石少叅墓州西五里南壠上

張太叅墓州東南五里山麓附其子張孝子墓

孫太守墓州東南

郭通判墓諱山東關南阜之首

王祭酒墓州南郊外

王主事墓州西南栲栳山麓

孫教授墓州郊西南

席太尹墓州郊西南

郭令公墓倍葬建陵

建陵在乾州武將山

凡古今人可知者

若此而已往嘉靖四十年州西梁家村原邊土人掘得墓隙入視無骨遺有誌銘石橫直俱一尺五寸曰贄抱墓蓋唐之鄭縣人左武衛兵曹參軍也稱其葬地爲安樂鄉之原稱其葬日爲天寶元年於乎歲月之駛固千載一瞬也君子寓形大字之間而不立德以貽天壤之久者因之可以鑒矣

附

華陰縣

陵墓

楊震墓縣東三十里楊氏故多聞人邱墓不可脩
紀四知先生則萬世獨仰焉

王猛墓縣西三里

華佗墓縣西五里

班超墓縣西二十五里班家庄

郭良墓縣西四里

屈都憲墓諱直縣西十五里 諭葬

附 蒲城縣 陵墓

唐睿宗橋陵在豐山橋陵東南之二里乃惠莊太
子陵東之三里乃惠文太子陵東之六里乃惠宣

太子陵又有節愍太子陵

元宗泰陵在金粟山

憲宗景陵在金幟山陪葬懿安郭太后

華州郭媛女

孝

明鄭太后王賢妃又有惠昭太子寧

穆宗光陵在堯山陪葬恭懿王太后貞獻蕭太后
讓皇帝惠陵讓皇帝者元宗兄寧王憲也讓乃元
宗立薨尊爲帝其陵在縣北胡村陪葬鄭王筠嗣
寧王琳安王珣

魏鄧艾墓縣東北七十里

唐魏暮墓縣南一十五里

暮魏徵五世孫

李思訓陪葬橋陵墓前有雲麾將軍碑

五代竇貞固墓縣北四十里

金張建墓縣西三里

元趙晉墓縣北三十里

明姚哲墓縣西南四十里

關魯森墓縣東二里

馬巨江墓縣北三十里

劉震墓縣北三十五里

原行人墓及諸原賢達者墓縣西五里

屈通政墓及諸屈賢達者墓縣東北三十里

姜御史墓縣南五里

雷行人墓縣南五里

華州志卷之四

賜進士第奉政大夫知華州事前山東按察司僉事陽城李可久裁正

左華山人張光孝撰次

建置志

華州州治在南門內洪武二年知州胡公惟俊建東西三百步南北四百步有門有儀門有鍾鼓樓

有堂

堂名節愛

堂之甬道南有誠石亭堂右有幕廳又

有六曹卷房又有儀仗庫正堂後有後堂後堂後有退思堂退思堂後爲知州之宅宅後爲魚塘亭知州宅牆後又開拓阜之麓爲菜園以爲退息處

後堂之右爲庫大門之右爲倉倉之西爲草場大門之左爲迎賓館郡侯陽城李公創建也二門西爲獄其同知宅在正堂之東判官宅在正堂之西吏目宅在州堂之西南隅凡六曹吏役洎侯缺吏之舍在六曹房之後州堂之圯敝則知州范斌劉

錦周朝俛朱茹次第脩之嘉靖乙卯地震城俱圯

賴茹脩之狀元呂柟記曰

正德壬申春日惟吉華州太守蠡吾劉侯錦鼎

緝州宇爰遵故址據渭面華乃立州堂是惟五穩州堂前摘交厦南面合掌而張翼中虛四達以爲堂首庫當堂東南而兩吏廊列東西皆十楹儀門在吏廊南中南面三闌內樓二外樓二夾陳而列以冑四碑譙樓在儀門之南三摘小樓在譙樓二耳左居鍾右居鼓廡在左小樓之東楹四十箇有

祠焉以祀天駟也右小樓之西爲犴狴古之獄神
于是乎享之理事所在狴犴之后大門在二樓之
南南面三櫺稅廩在大門之內北面十楹作複堂
焉曰退省在州堂之北南面五櫺四第在複堂之
旁一曰郡守之第二曰郡貳之第三曰郡判之第
四曰郡幕之第吏舍在四第之東楹六十箇榭舍
在訛門之外十楹而右旌善亭在榭舍之東南面
申明亭在右榜舍之西南面徙預備倉于州治之
內倉西草場也故曠地立少華書院焉乃新儒庠
及陰陽醫學夫堂也者明也君子以明已而明民
焉廳也者聽下之情以告上也君子將營公署鸞
輿爲先故庫在東厦者夏也大也於是大以立政
也門問也聞也君子以問小人以聞樓碑重德也
譙樓者鳴樓也以鳴俗而治之也有鐘鼓者貴令
聞也君子而不仁則凡聞鐘鼓之聲者疾首而蹙
額矣祀天駟以奮武也享嶽神以明刑也退省者
退而自省也亭舍倉庠皆洽之目也故君子居堂則
也者地也亭舍倉庠皆洽之目也故君子居堂則
思明至廳則思聰遊厦則思寬出門則思聞視碑
則思後登樓則思危振其鍾鼓之聲則思賢奮武

則思文明刑則思仁燕處退省則思過居第則思
不愧于其地觀目則思綱故君子視真而政令端
今而不墜于是百姓懷鰥寡蓋狀元康公海記曰
安土而樂天衆自有條而畢舉
維華州涖事堂災于嘉靖五年之秋時工部侍郎
慰庵甘公望以進士來知州事掄材舉工矣值宦
無暇日績用弗成又十餘年材且盡壞會古閩南
石周子勤可以進士繼知州事既三年爲嘉靖甲
午視夏麥可期工宜肇作於是具磚石措材木工
有定司財有定用不三閱月蒞事堂落成矣堅好
而壯麗宏遠而輪奐蓋關內郡邑之所無也予以
五月過華蓋親見之問之百姓曰某輩趨事于郡
有日矣曾未聞侯欲脩此乃今卒爾告畢殆神矣
哉相與慨嘆無已予曰茲非周子之所以爲善郡
也邪材集于平日謀協于乃心不有所作作斯成
矣不有所勞觀斯美矣茲非周子之所以善使民
也邪予自甲戌抵今則歲遊于華諸治華者莫不
咸覩見之其才識器宇卓然可觀者實未乏人而
周子則平易軌物寅畏持已有慈祥豈弟之心無
暴厲喧恢之政勩思自盡譽不外求予獨以爲今

昔之所難能蓋親致意周子加歎服焉壬辰之饑
周子始涖郡凡郡與屬邑賑濟之政無大小必躬
必親曰一不經意則賑爲速孳至癸巳則益加詳
焉總制如漁石巡撫如南阜莫不交薦其賢厥觀
深矣其他理財役民及聽訟興化諸事一皆稱是
郡之賢者若長蘆轉運使渭川東子輩以監察御
史華巖東子狀來屬予曰堂成之後周子蓋以節
愛名堂矣子知周子者宜有以記之夫周子之治
華撫按之奏牘黎庶之口說雖古之循良殆何加
焉予所致意周子者則猶有不同者夫華大郡也
撫按之交伐藩臬往來賓客之遊歷肩摩踵接供
張之具歲數千金於必用之中能少節用惠斯溥
矣周子之所以名堂者殆隱痛于此乎堂高五仞
廣九尋列楹十四工起于三月落成于五月題堂
者太常少卿涇野呂子仲木呂子有重于周子故
有是題前南京戶部主事同知州事劉君某王君
某吏目夏君某皆贊相周子以成此功者故共
書之嘉靖十三年甲午秋八月三日丁酉記
郡人主事王堯弼記

蜀瀘泰谷朱公以明進士治
吾華之二年百廢以興上下

胥慶廼脩州堂葺故創新咸有成績一日予與楊
弔南涯以公謁至州由外以窺其內穆然以深由
翊歷階以望其堂聞然以靜登堂以觀其後翼然
以整廓然以容井然以辨楊子廼喟然嘆曰鬼哉
斯堂也不可無記矣未幾公以幣徵予記予曰此
公之大功業也必史氏而後可顧予非其人也辭
不果遂乃爲之言曰先是嘉靖乙卯冬山陝遭地
震之變吾華爲慘不可言山川移易道路改觀屹
然而起者成阜坎然而下者成壑倏然而湧者成
泉忽焉而裂者成澗民廬官廨神宇城池一瞬而
傾圮矣民之死于變者不可勝紀間有生者亦病
不能興地方殘破盜賊生發莫此爲甚公適奉令
來守茲土於戲難哉無民可治無廳事可處雖有
才智將安施乎公至廼嘆曰此病羸者之狀可以
休息而不可以藥劫也於是緩文書省刑罰罷不
正之供止不急之役補偏救弊如保赤子熙熙然
從矣乃盜賊息病者興殘破之地方稍稍寧矣或
有勸公之脩堂者公曰人無所止神無所棲何以
堂爲豈忍獨享其便而不顧其他之不便耶公則
審時度力次第舉行先之以城池使捍外衛內蓄

有所依休次之以公署使奉命往來者有所留憩
次之以孔子文廟使聖賢在天之靈有所安妥次
之以各廟宇民居使諸神百姓皆有所棲止然後
營吾堂焉經始于嘉靖丁巳春迄秋乃成意斯堂
也豈易言哉其工役艱其經費廣其綜理密其督
課勞信哉其難也堂自周秦漢唐宋迄今幾百年
于茲矣或爲州或爲軍沿革不一而堂則不廢也
或壞極而有事或火水之虞事變無常而作新之
有時也遠而勿論姑自其近者言之正德中脩於
保定劉公錦火于嘉靖初年再脩于閩中周公朝
俛夫劉公之時歲頗豐稔當時猶聞有服役之苦
周之時民尙富庶周請帑銀營之以故堂成而民
不擾其庶幾乎今之時何也遭地震之變民不
聊生值水旱之仍饑饉荐至蓋至難之時也而泰
谷朱公爲之時不廢而事叙民不擾而堂成噫神
運鬼輸哉非也公處之有道用之有節清修爲本
仁愛爲心公恕爲行得民心也民不知病用民力
也民不知勞是以堂成之易而集事之速也朱公
名茹字以彙蜀瀘其故志載宋人耿南仲鎮潼軍
世系泰谷其別號云

鼓角門記曰

元祐三年夏六月李公來守華州下

條目授胥吏猾姦不鋤鉗隸以法暴悍不剪薰陶以化曾不期月而垢翫清蠱弊飭公平之政行中和之氣通官府帖然坐以無事顧寮屬而語之日華之爲州附山并河土淳以潤環林美木宗生而族茂焉平原易野陰澗窮谷之間宜有老歲時風雨紛披于無用之地者吾欲裁取而飭化之以美棟宇而棟宇之腐橈當易者不一二而止也擇其甚者而先之得譙門焉然譙門之設以待暴則不急於外闔以覘寇則不急于望櫓視官府學校倉庫驛傳之類尤爲緩而不切也今營建後彼而先此者吾以謂急者先之緩者後之人情皆然故天下之事急者不患乎不舉至其緩者則往往因循而廢自聖宗受命華之官府學校倉庫驛傳之類不知幾闕而幾脩矣獨譙門自唐末亂離之際拾弃材橫甕而爲之逮今幾二百年浸以傾侈而人無顧嚮之意豈非急者先舉緩者因循而遂廢與誠舉其緩者而先之則急者不亟而自治且鼓角之鳴器所以嚴邦國之體警營壘之心而其壯可

以作軍戎之衆其道可以散妖姦之霧用亦重哉
又况三峯襟袖之地而軍鎮之雄則譙門之儉題
豈其稱哉今日之事宜無先於譙門者矣察屬皆
曰非所及也於是揆日相方經工化材徹其舊南
徙數十步而營之高增其舊十四而表廣復倍焉
因凸爲基以臨峻坂是故高而安蒼烟古木掩擁
左右是故麗而雄其簷宇深複而夏無炎烝其窻
戶洞達而陰不冥瞑翼然如翔鷲鳳儀乎崇岡
窳然如高冠大冕儼乎雉堞此其大略也若夫飛
雨初霽埃壒不驚皓月當樽清風入腋不緣超悟
而心目頓開不待洒濯而毛骨俱爽使人凌虛蹈
空高逝遠舉之意此則登賞之樂也若廼陰翳排
闕俯仰軒豁目圍六合而知天地之博大掌視千
里而見山川之悠遠蒸氣浮雲泱泱萬變斷壠連
岡隱伏超越使人慨然有吊古悼昔幽思遐想之
意此則臨觀之勝也夫譙門一新而登賞臨觀奇
偉絕特如此其所得公復於此視民屋之庶而思
撫養之仁覽田野之闡而思補助之政觀山林之
奧而思所以招致隱佚頭川澮之疏而思所以附
集流散此其志又不徒爲登賞臨觀俄頃之適而

已然則營建之事其薄

郡人推官楊孟芳重脩州

城記曰

嘉靖乙卯冬抄關中地震華郡城垣盡塌

邑長吏越明年春當考績天不庶官時泰谷朱公

尹新蔡治行卓越太宰卽簡擢吾華太守用賢以

圖治也公遺抵華會上官催促築城攝郡者追呼

役逃移者已過半矣公悚然憂惻曰民病未蘇儻

餽耗乏可興是六工乎以致遺民顛憊播越城成

將誰守乎亟布檄招撫曰嗟嗟流民爾盍來歸乎

哉復爾業力爾田予卽停爾役賑爾食請蠲爾徭

稅聞者感泣相携以還公遂因貌飭形發倉庾勸

富室區畫大賑吊隱解鬱轉爲熙祥和氣縕釀禾

黍漸登呻吟者息紛擾者定翕然有生意矣公召

耆民而諭之曰聖王聯屬四海設險守國其城垣

脩築之役予豈敢後庶民唯命丕作避省祭官有

行者數人曰爾董役循舊毋逼我民力毋傷

我民田毋威毋私以罹汝咎進祝幣于城隍神曰

相力祐民惟神之寐經始于七月吉日凡所需費

咸出計借民弗與焉公乃布德宣惠明正學恤窮

獨蘇里甲滅徭均賦崇德表節祈禱兩賜應如影
響且索復經糧及本色花布或請于上或酌于已
幹旋利病凡可以厚民生者默運博思不違食寢
民大悅曰明府興仁人真父母也吾輩得以更生
再造奠我鄉井緩我父老活我子孫延我宗祀蒙
受惠賜何旣敢不效力以報上哉於是荷鍤執畚
輻輳子來且咏來暮之歌以忘其勞至十月告成
焉臺隍高深樓櫓咸備比舊益固麗矣四方老稚
觀者如堵儼若華嶽之具瞻福星之在垣也僉謂
余曰昔周人築臺速成民謂臺曰靈臺文彥博築
城構亭民名曰潞公軒于今頌慕無斁固皆以德
也吾明府宏濟大艱德被于民而自成功如此城
謂之靈城可也謂之朱公城亦可也吾叟大書于
石永記盛德余曰俞哉黨人公言允可書也因言
知心古人之真心也古之盛時上下相愛治化熙
皞不過以心感通而已茲我朱公一德潛孚子民
而吾黨之民卽欲樹功昭德無忘于公謂非上下
相愛異世相感之輿情乎方今君相聖明使布列
守令於郡邑者簡注循良如我公則在下亦皆如
吾黨之民矣同體一心太和無間其去唐虞之治

又何遠哉公名茹字以彙蜀瀘大姓登癸丑進士
泰谷其別號云公輔器也柄用顯施日大而隆參
贊化育名光竹帛亦由是基之余遂次其梗概樂
道以昭後世匪直慰今日之民望也其城制延亘
高濶四門名扁贊佐寮
屬名氏法得書于碑陰

儒學在州治之東阜上蓋爲華城東南隅也知州
胡惟俊建有明倫堂有三齋有東西號舍六十間
在兩廡之後又有會饌堂官厨又有學舍堂厨會
學宅俱在殿堂之後有射圃在儒學門之右知州
楊勝賢伍性桑溥朱茹陳應麟次第脩之河東薛

文清公瑄記曰

道之大原出于天而備于聖人吾
夫子爲出類拔萃之聖孟子推其

功賢于堯舜以王者之禮通祀于天下所以崇聖
道育賢才開太平也我列聖相承以道治天下稽

古王政尤重學校之教所在郡縣廟學既宏大其
初建之規或有久而弗飭者有司以時葺脩務欲
崇祀育才咸底其實今陝西之華州爲關右大郡
其廟學之建歷歲滋久棟楹瓦甃侵凌于風雨幸
多微漏今西安知府閻中揚勝賢發身太學前五
年來知是州進謁大成殿退視學舍俱有弗飭如
前所云者大懼學政之墜弛遂謀諸同知某儲材
用集工匠先徹廟宇木瓦腐壞者易之以新好次
及兩廡俱葺理之棟楹椽桷蓋瓦級甃悉壯固于
前時丹墀圯塤之飭輝耀完堅又命工畫歷代從
祀諸賢像于廡壁以及奉神之厨庫器用靡不完
具天順元年仍改作明倫堂齋房會食堂士子退
脩之室由是廟貌尊嚴士習有所俎豆絃誦之風
延及州里學正張元乃進諸生而告之曰楊公先
知是州時祇承于堯舜之聖我朝以道治天下崇重
子備道爲賢于堯舜之聖我朝以道治天下崇重
夫子之道俾通祀于內外學校蓋欲以道育賢才
而資世用也楊旣知興學爲重而爲師爲士子者
其可不知所重乎則爲師國家崇重學政之典克
脩廟學咸底完新今楊公雖陞知大府是不可以

其去而無所記述以沒其善乃具其事遣專人來
求交者必當以道率人爲士子者必當以道自勵
講是道求是士子之彙進于國而愛乎民或至裨
大化建大飭亦卓然惟道之與歸學政大有實效
而于楊守興學狀元呂柟記曰正德戊寅濮陽桑
之功亦有辭焉
每謁夫子廟曰廟舊退登明倫堂曰學舍隘而且
圯重非所以尊道而毓賢也已卯之春袁有材木
興工重脩乃問于巡撫都御史鄭公陽巡按御史
張公欽皆曰可問司府亦曰可遂誕脩正殿殿棟
且橈四柱皮其下不可瞻乃出二十金募棟卽有
獻棟者棟與二十金棟延五尋圍二仞二廡戶牖
樞斷而鋟彫四壁落塗皆易材重丹至於戟門遂
作櫺星門謂其爽度也乃作名宦祠在戟門之左
南面其右作鄉賢祠亦南面祠皆三稜乃脩明倫
堂堂廡如歧乃脩講堂堂楹如岸乃脩誠意諸齋
齋題如翼乃脩泮池池水如淵乃作山字門窈乎
若少華峯迹諸其前也號舍不足作山字門窈乎
乃新射序豐中侯矢咸具至于厨饌具罔或缺或
曰夫子之在也賢陋巷許長府舊貫之言今茲之

作豈其所好柝聞之敦夫子之道數仞其作也亦
宜不然三臺兩觀春秋所深惡也今天下承平已
久倖喜貨官喜諂士喜驕吏喜奸卒喜情富商喜
通焚獨喜黠守令者多迎厥喜弊由是滋聞桑子
爲政凡徵役徵稅徵課徵布徵金皆令民刺名于
具以自投無羨分有羨分輒還之於是吏人收入
無隙而私人賞役金三分於庭中吏晚視之輒
罷吏其翕三里之長老必選多才而有耻者嗚呼
桑子予雖不詳他政據茲可謂奉經秉道不逆夫
子者矣宮廟之作豈其過乎如桑子無良政而與
是土木若世俗吏則豈不反于吾夫子之怒乎且
桑子夫子之鄉人也治春秋舉進士其于夫子之
旨詳矣宜乎其不妄用民力若此也則夫世之藉
是以射私而欺公者又豈非桑子之罪人乎是役
也督工者訓導張繼宗相之者某官某人請記者
訓導某人撰狀者山東參政張公潛爲予詳之者
生員郭
按察使喬世寧記曰嘉靖三十四年關中
從禮
學盡傾覆成墟明年州侯朱君至至卽首議脩復
具白于上官上官以災故報罷朱君歎曰如今者

知華州也將以匡導士民益廣上之風教也碩學
廟且荒墟不治卽風教安從始哉乃遂自以其意
脩復至三十八年七月廟學乃成先是州侯桑溥
者曾大脩廟學見涇野呂先生記中今壯麗無異
于桑時而學宮則特爲移置又時當傾覆之後舉
事獨難于桑也且不費帑金不俟上官督令則意
度益越人遠矣侯其知政本哉侯始至也見華岳
雄據左輔卽古所謂地首者云以學在廟後不見
岳蓋官告始事者鄙也至是徙學宮于廟左士卽
時時覽華岳之勝啟昭曠之觀其志意當益開悟
矣斯又見侯之善作人也州自昔多將相名人至
今又多以德業文章名世者乃其人遂與華岳並
焉矣士今負俊茂之質者視昔益彬彬盛矣由此
而不自振勵思執往哲則何以稱士又何以當華
岳云詩曰高山仰止意蓋居斯矣且士也日誦法
孔氏者也彼爲山之譬非孔氏訓哉士欲廣大高
明以德業傳不朽者此其準也不然丘陵培塿者
卑卑無論矣卽功虧一篑者君子猶以爲畫也聖
門之教道蓋如此侯一建置卽指意深有合焉今
人以爲善作人也侯名茹瀘州人舉癸丑進上自

上蔡令遷來始部議自關中有災秦民苦甚而非
循良吏不可關中侯於是推遷華州云華州諸政
事不盡齊卽其能先事廟學其係于禮俗治體者
豈輕哉學正張澤訓導張中陽喬佐王鼎臣屬喬
子爲記令諸生張熙席學閱來二生曰是舉也廟
亦南移者久餘又遷學官宅子故學宮其規畫並
善可傳也余于是記實爲碑又本古泮宮之頌而
作其詞曰維皇敬一道尊孔氏孔廟有嚴秩禮禮
祀俾誦法者如遊關里方夏攸同斯文在此乙卯
秦分逢敷之否嗟嗟學廟一夕就毀侯自蔡來人
實樂只睠茲孔庭曰予孰委匪逸匪亟廟學載起
廟旣前移學亦後徙式虔式虔侯之作矣新廟巖
巖洋洋泮水泮南有岳瞻望伊邇厥邇維何爰咨
庶士學譬爲山孔訓有以侯足永思岳實爾師誰
謂華高企其齊而誰謂德難勵
其庶而匪予則言古有是詩

敬一亭在教官宅之左中有御製箴石

張光孝曰地震之後再新殿堂廡舍及儒學明倫

寧齋房實賴朱陳二侯之力又以明倫堂闡在殿
堂之北今移置殿堂之西與文廟並立瞻視南山
有如列障而構堂董役者又賴判官陳一正之才
能乃堂制爽塏甲于關中之制作臺省諸君子至
華謂其爲勝臨之地也張光孝華州儒學代陳侯

上梁文云

伏以天曠輿柳郊區延雍豫之祥鎮列

隣實控楚携巴之地崑崙載倚陸海稱居粵秦漢
唐之化邦自禮樂文章之淵藪山河峻急將相蟠
馳頃緣地震摧仆學宮祚逐天章超騰儒氣佐理
當逸駕之英建議協擎天之力推移梁棟闡發戶
庭爰新鼎盛之規模益聳太平之氣象吉筮陰陽
之正朗宜形勝之俱吞吐百二之風雲元覽三千
之世界斯文洪造吾道具瞻適遇拋梁聊伸公頌
拋梁東青龍騰躍鼎湖風電開日霽歲蕤綺恩光

還與萬民同拋梁南金天神后拱仁巖香風歲還
英賢起奠安明時揖睡仙拋梁西縣圃平臨瑞氣
齊玉門深鑲狼煙息振響義文士論攬拋梁北高
歷齊雲樓百尺雄當斗宿城東隅輳蓋堪宜承紫
極拋梁上彤霄蜿蜒風浩蕩橫天架海巨神功庇
蔭羣生福無量拋梁下倭衍顯靈清河華哲人從
此燧車書治安綺世能相迓伏願上梁之後儒基
永培道運常亨遂宏神祚迭生柱石之臣森聳人
英不負藩垣之托郊原稱卧龍鳳雛之出廊廟敷
三槐九棘之榮亟顯安攘之烈高傳忠孝之名郭
寇紹芳孔顏增重自嘉靖四十
年之始衍乾坤億萬世之春
吾誰氏題華州學
宮詩
邇原何事滯城隈閭闕學宮靈未開
誰能一展東隅隘自毓皇朝曠達才土人口

此言華州學宮之隘于城隅也巡按御史姚公有
開城檄吏人不克舉行竟罷其議後之軫念廣賢
育材者當必有以開拓城隅矣

華山書院在儒學北街知州朱茹建明進士叙州

知府趙儒記曰

物建華山書院者華郡太守蜀廬泰谷朱公也華列關中卽古左輔

之地支獻舊邦英賢代出者也嘉靖丙寅夏公承天子簡命輯寧左輔惠養休息幾二載民乃底定百廢咸舉公歎曰與賢育材有司之首務也士之砥行脩業余實與有責焉廼建書院以課諸生度空地若干于城內儒學之後相視經營命官董役鳩工聚材築以垣牆覆以甍矰砌以磚瓦構屋五楹爲講堂堂制穹竦負華麓而面列東西各幾楹爲齋舍後構庖厨委積各幾楹廼立內門肅然穆以深迺立外門翼然飭以整題其扁曰華山書院夫書院以華山名者蓋取武侯靜以成學之義歟學者文章事業巍然奐然與山並也遂延師儒定章程嚴稽考技郡庠之雋秀者若干人羣其宇而日相觀磨公每如期至校閱文墨準以程式具勤隋能否而勸懲之屬邑士之出類者咸與焉立輔士文行彬彬視昔有光矣公造就人材之心不既盛乎公教人以彙倫禮讓爲先談論經術以讓

斥異說爲力其科條不煩而啟迪善迎其機始若
淺近平易而其達于義理適于中道蓋渙如也諸
士謂公待人接物春風和氣無震容厲色昔人得
與程伯子之教者自幸坐春風中肆今左輔之士
得與公之教者其千載之下再見程伯子而興起
者平嗣來晉用秩階司成闡揚文教黼黻皇猷將
紀于太常列在史官不待余之言也若夫德量之
宏深浩乎如海之汪洋學術之醇正粹然如玉之
溫潤心事之光明如青天白日之無翳政事之洞
徹如燭照數計而龜卜余之所欽仰者安能出一
言以摸寫其近似乎庠生席學閔張熙徵余爲記
敬述其事如此若公庶績各有傳記予弗敢贅公
名茹字以彙號太谷癸丑進士蜀瀘文獻世家也
承務郎同知李仲傑從仕郎判官陳一正將仕郎
吏目高仲仁訓導張中陽喬佐王鼎臣嘉
靖三十九年歲次庚申孟秋吉日立石 繼朱侯

者曰陳侯應麟又好文之士精于應制之作者更
遴士子結文會給以膳夫月無間日以督學業既

歷歲時士駸駸益肆力宏博矣關中嘉靖之末稱
多才子蓋二公所造之士云

社學在州治前之東四十一里各有社學設教讀
四十一人又有木鐸老人四十一名以朝暮宣示
聖諭于民之里居者

旌善亭在州治西

申明亭在州治西

演武教場在西郭之北

華山驛在州治之北街知州胡惟俊建有馬祠有
驛倉在驛堂之左右驛草場在府館之西華山驛

之西又有大館驛公署一所以待賓旅

羅汶橋遞運所在州東一十里知州胡惟俊建

陰陽學在州治之北街

官曰典術

醫學在州治之北街

官曰典科

稅課局罷

僧正司在州治東北其僧寺曰南塔寺

在州城之西南隅

開元寺

在州城之東北角

開福寺

州東北之二十里

龍潭寺

州東南二

十一里 甘露寺

州東南之八里

寧山寺

州東南十五里

金堆寺

州西南三

十里 興國寺

州西南三十里

大明寺

州西南三十里

車獨寺

州西南二十里

香巖寺

州北三十里

圓覺寺

州東三十里

栲栳寺

州西南三十里

蘭若寺

州西四 禪脩寺 州西南四十里 蘊空寺 州西南四十里 卧龍寺 州西

北二十 靈覺寺 州東南一十里 石佛寺 州東北十五里 永慶寺 州東

南二 蟠龍寺 州東南二十里 觀音堂 州東北隅東隣開元寺 明行院

州東北 法明院 州西南四十里 大明院 州西北二十里 安慶院 州西

南一 崇教院 州西北十五里 廣濟院 州西南四十里 觀音院 州東北三

里 龍泉寺 州西南三十里 豐塔寺 州西南五十里 右寺僧漸買民

田附民之里甲應正圖民差矣

道正司在州西關外其道院曰祐德觀 州治東上五十步

清觀 州西南二十里 顯應觀 州東南十五里 碧雲庵 州東南十五里 朝元

觀 州東二十五里 金天觀 州北十里 白雲觀 州西三十里 元真觀 州西

南二十里 明真觀 州西南二十七里 真元觀 州西南三十里 靈祐觀

州西南四十里 瑞雲觀 州西南四十里 遇仙觀 州西南五里 玉仙觀 州西

十八里 八仙洞 州東南二里 崇興觀 州西南四十里 三觀堂 州西三十

里 脩真庵 州西北十七里 右道流漸買民田附民之里甲

應正圖民差矣 三原馬光祿先生曰世所謂仙釋

氏也老聃氏者仙之祖佛氏者釋之祖也其教行

于中國則自關中始爾周末老聃氏入函谷關尹

喜迎之蓋屋終南山而說經由是中國四民之外

有一民焉其教至今盛行而不絕其徒曰真人曰

神仙曰天師曰道士曰道姑曰煉氏名號孔多無

弗宗老氏者漢武帝時霍去病征西域得休屠王

祭天金人武帝致于甘泉山而祭之至明帝時有

金人之夢乃遣使天竺圖其形像而摩騰入漢由

是五民之外又有一民焉其教至今盛行而不絕

其徒曰羅漢曰法門曰比丘曰比丘尼名號孔多

無弗宗釋氏者故曰二氏之教行于中國自關中
始爾按老子之子名宗爲魏將宗子注注子宮元
孫假仕漢文帝假子解爲膠西王太傅子孫顯達
于世今其徒皆鰥居而無妻豈老氏之教哉按佛
經佛氏未出家時娶妻曰耶輪陀生子子曰摩侯羅
出家十二年歸與妻子復完娶今其徒皆鰥居而
無妻豈佛氏之教哉夫天地之道一陰一陽而已
陰陽和而後雨澤降雨澤降而後民物育今或孤
陽而無陰孤陰而無陽或陰合而陽離敗俗而亂
常皆非和之道也故兩陽不時而飢饉荐臻焉此
之故爾古者公卿大夫及上士皆有采地以食故
耕者之家一而食者之家三農之外土工商而已
爾今上自王公下及大夫士皆待耕而食今庶人
在官者視上古益繁乃中外將士宗室官屬姻戚
幾千萬人及陰陽醫卜巫覡加以二氏皆食于耕
者是耕者一而食之者百食不足而盜生又何怪
也夫在官之人耕固不暇爲老氏者誠率其老子
之道其佛氏之道卽其居而娶妻生子饁而耕陰
陽將由是和而戶口將由是而增庶幾食足而奸
盜息亦王政之急務也若夫二氏所居者今之寺

觀是也其間有公署在焉茲固不得而略云○或曰佛氏之書爲內典明心性之學也六籍皆外典有諸曰豈惟佛氏雖儒亦云唐大臣多學于僧宋初儒者以叅僧與未爲學之深淺至今吾脩儒者猶以學門之道爲盡于良知極于靜悟以六經爲糠塵無用之物是皆達摩慧能之徒其衣冠豈非吾儒哉於戲吾六籍之道極于至大而無外入于至小而無內故洒掃應對寓乎精義入神之理位育參贊不離乎日用常行之間外男女之別廢衣冠之正而徒語心性之學此施于面壁閉戶之時則可施之于天下國家其不大亂者幾希漢淮南王楚王梁武帝之事可深鑒矣尙云云悲哉○或曰道傳老子仙去然耶曰知老子莫如莊子之子曰老子死而秦失弔之三號而出今考水經及地志並言蓋屋縣東三十里老子墓嘉靖丙寅奉詔則莊子言信仙之說從可知矣

顯戮方士以正民俗異端者合同而趨王道矣

諸行署曰

布政分司一在司街之右

今廢

按察分司一在司街之左

今廢

兵備道在司街東南

今廢

增脩布政分司在司街之北東向

今廢

增脩按察分司在司街之北東向

今廢

府廳一在司街之中

今廢

諸急遞鋪皆知州惟俊建總鋪在東門內東十里

曰羅汶鋪又東十里曰柳子鋪又東十里曰臺頭

鋪西十里曰石橋鋪又十里曰白泉鋪南三十里

曰乾喜鋪又南一十里曰嶺底鋪北十里曰王村

鋪又北五里抵渭水王立渡

每鋪鋪司兵共五人
渡口官船二隻水夫

四
名

養濟院在東門內之街南

漏澤園在西郭外街南

市集城內及西關之市俱以一旬上五日在內下
五日在關遞輪柳子鎮集則三
八日赤水鎮間日
一集每逢三日則一會東關
每逢四日一會此外

又有城隍廟四月一日八月二日會西關藥王廟

六月六日十二月八日會東關東嶽廟三月二十

八日會少華嶽神祠七月十五日會州西赤水紅

廟十月十日會州北十里華嶽下廟八月八日會
凡會則商販之貨多于市集

華州志卷之五

賜進士第奉政大夫知華州事前山東按察司僉事陽城李可久哉正

左華山人張光孝換坎

官師志

周

鄭桓公友

魏

刺史楊津

華陰人

刺史席法友

汝南人

刺史裴宣明

聞喜人

假節行華州事李叔彪

禧人

刺史賀若誼

洛陽人

刺史達震

周

刺史韓果

武川人

刺史楊纂

廣寧人

刺史鄭偉

刺史崔宏度

長史榮毗

唐

叅軍元義方

鄭縣尉陸贄

嘉興人

刺史李君羨

武安人

刺史楊瑒

華陰人

刺史崔隱甫

武城人

刺史袁滋

朗山人

刺史李虞仲

刺史李絳

贊皇人

刺史李復

刺史李元亮

安息人

刺史崔戎

刺史郭承嘏

刺史崔衡從

刺史孔殘

刺史楊於陵

刺史高郢

衛州人

刺史張仲芳

始興人

刺史裴潏

河東人

刺史令狐楚

刺史趙昌

天水人

刺史錢徽

刺史李景讓

刺史李景溫

刺史李翺

刺史李固言

趙人

刺史盧鈞

范陽人

長史蔣欽緒

膠水人

司功杜甫

杜陵人

宋

巡檢盧斌

開封人

知州李丕緒

成都人

團練使張暉

大成人

知州呂大防

汲人

鄭縣主簿司馬旦

鄭縣知縣吳時

邛人

知州崔輔

知州趙剛

金

華州防禦使龐廸

延安人

元

知州呂盛

河內人

明

知州

洪武起至正德末止

胡惟俊

傳

王宗智

傳

范斌

傳

金昇

凡所張弛裁制志在安民

劉整

傳

馮旻

京衛人舉人明決

楊勝賢

傳

胡昂

進士謫官甫年行取入朝

唐謨

有惠政二載陞任百姓泣別

許廣

李宜泰

進士一載行取百姓感德

伍性

傳

陳仲秩

傳

鍾永

江珏

傳

劉錦

伍箕

傳

桑溥

傳

嘉靖壬午
至丙寅

楊宗賢

傳

甘爲霖

傳

朱疏

廬人由進士
謫官尚簡

閻鼎

澤人

周朝俛

傳

許經

安陽人魯齋之
後心政俱和

馮繼祖

有惠
政

劉崇

任印人善詩
丁內艱去

吳旻

江夏舉人刻杖
壽方卒于州

鄭光溥

傳

高崇

傳

胡惟學

承天舉人
臨政仁慈

楊綵

傳

朱茹

傳

陳應麟

號瑞源錦衣衛人己未進士嘉靖三十八年任陞工部員外郎有傳

張孟容

號壺山汝陽縣人舉人嘉靖四十二年任陞岳州府同知

李鑽

號

高平縣人舉人嘉靖四十五年任

王汝梅

號肖巖安肅縣人壬戌進士隆慶三年任陞兵部員外郎歷陞布政司左叅政有傳

王楷

號

寧陽縣人舉人隆慶四年任

李可久

號易齋陽城縣人壬戌進士隆慶六年任陞寧國府同知歷陞按察司僉事

傅霖

號澤野忻州人壬戌進士萬歷元年任陞按察司僉事

石元麟

號肖東永昌府人甲戌進士萬歷二年任

王開

號陽谿清苑縣人甲戌進士萬歷八年任

同知

孟

盱

事迹闕

李

珮

蒲人

鄧

欽

滄州人清介

王

源

莘人清謹

崔

吉

山西正祀考云純心古行苦節清脩理學雅重于時

孝友可傳于後

呂

鎧

傳

張

忠

傳

張

纓

遷客崇簡

劉廷麒

邱縣人力政不畏強禦

解孔傳

李廷春

魏

縉

李仲傑

傳

賈

梅

傳

李

佐

許際可

傳

文希韓

傳

張濟世

平陸縣人監生隆慶五年任陞斷事

何 倓

梓潼縣人選貢萬歷二年任陞通判

馬汝驊

垣曲縣人歲貢萬歷五年任

李近仁 霍邱縣人監生萬歷八年任

判官

王權 梁欽 孟人勤慎 于嘉慶

苗盛 荆茂 王道

周時舉 善詩畫以才力取用防秋陞阿迷州同知 鞏思問

張鳳儀 陳一正 單縣人 楊潛

李春 負才能陞清水知縣 張鶴年

溫琦 嵐縣人 孫綱 崇陽縣人舉人隆慶六年任

盧鈐 玉田縣人選貢萬歷元年任

王廷節 蘄州人監生萬歷四年任

連三元

永年縣人辛未進士萬歷八年在

冉霽

武隆縣人思貢萬歷九年在

吏目

夏昂

譚萬鍾

秦

鏞

榆次人毅然任
事行政光明

袁价

仇廷梧

候

相

高仲仁

李應祥

張大魁

田粟

黃與齡

漢州

人監生隆慶二年在

李東生

河陰縣人監生
萬歷元年在

吳珠

中牟縣人監生萬歷四年在

羅修德

嘉定州人承差萬歷六年在

學正

沈亨

吳嘉祥 傳

羅紳

陞還判

傅良

成

佐

質直教士

劉憲春

劉遠

傳

張澤

傳

張松

傳

游驄

任不攜家眷因人善教歷在嚴

久復陞教授

薛良梓

芮城縣人陞教授

尼三顧

鉅鹿縣人

王用儒

滿城縣人陞教授

姚揆

鄧州人

宋邦臣

臨汾縣人萬歷八年任

訓導

鈕瑩中

華陽人舉人

張厚

趙時雍

杜蘭

張翼

况尙

劉穉

中川人嘉靖丁酉科中陝

西鄉試

楊永寧

平定州人陞教諭

費宏義

嚴時濟

周文錦

王尙禮

汲人

程淳

靳一夔

傳

程萬里

咎用中

用偉

陞教諭

楊時中

費守恒

歷陞教授

張中陽

目盲聽聲音爲進退人殊不覺其盲也然吐氣英爽爲學約士咸畏憚之

喬佐

三河人

王鼎臣

張炫

雄縣人慷慨有信義

李承燧

解人年七十餘蒞任莊敬有常越二載以老歸

郝芳

陞教諭

梁恩

陞教授

王寵

鄖縣人

孫咸

安定縣人陞教諭

楊正心

陞教諭

大竹縣人

趙應元

鞏昌衛人

李柟

臨汾縣人

劉重光

鳳翔縣人舉人萬歷八年任

歷七年任